



Broj: 01/1-50-1-23/07

Sarajevo: 18.10.2007. godine

Z A P I S N I K
sa 23. sjednice Ustavnopravne komisije

Sjednica je održana dana 18.10.2007.godine s početkom u 10:00 sati.

Sjednici su prisustvovali članovi Komisije: **Šefik Džaferović, Martin Raguž, Lazar Prodanović, Velimir Jukić, Momčilo Novaković i Adem Huskić.**

Članovi: **Ekrem Ajanović, Halid Genjac i Drago Kalabić** nisu prisustvovali sjednici.

Pored članova Komisije sjednici su prisustvovali predstavnici: Ministarstva civilnih poslova BiH- Damir Dizdarević, Ministarstva pravde BiH – Fazila Musić, OSCE-a - Salkić Suad i Nataša Šakota, OHR-a – Maja Ribar, Komisije za ljudska prava, prava djeteta, mlade, imigraciju, izbjeglice, azil i etiku Doma naroda – Alma Čolo.

Sjednici su prisustvovali Igor Bajić, sekretar Komisije i Nedžad Salman, stručni saradnik u Ustavnoj komisiji.

Predsjedajući Komisije je predložio, a Komisija je jednoglasno usvojila sljedeći

DNEVNI RED:

1. Verifikovanje zapisnika sa 22. sjednice, održane dana, 04.10.2007. godine;
2. Prijedlog izmjena i dopuna Poslovnika Predstavničkog doma Parlamentarne skupštine Bosne i Hercegovine, predlažać poslanik Milorad Živković, **(Usaglašenost sa Ustavom BiH, pravnim sistemom i principi, u skladu sa članovima 103. i 104. Poslovnika Doma);**
3. Prijedlog kodeksa ponašanja za poslanike i delegate u Parlamentarnoj skupštini Bosne i Hercegovine, predlažać Zajednička komisija za ljudska prava, prava djeteta, mlade, imigraciju, izbjeglice, azil i etiku, PS BiH, **(Usaglašenost sa Ustavom BiH i pravnim sistemom, u skladu sa članom 103. Poslovnika Doma);**
4. Ostala pitanja:
 - a) Zahtjev za autentičnim tumačenjem člana 48. Zakona o radu u institucijama BiH, („Službeni glasnik BiH“, brojevi: 26/04, 7/05 i 48/05), podnosilac zahtjeva Vanjskotrgovinska komora BiH; **(Ustavnopravna komisija je nadležna komisija u skladu sa članom 137. stav (5) Poslovnika Doma);**
 - b) Zahtjev za autentičnim tumačenjem člana 3. stav (1) Zakona o zaštiti prava pripadnika nacionalnih manjina („Službeni glasnik BiH“, broj: 12/03), a u vezi sa primjenom poglavlja 13A Izbornog zakona BiH, („Službeni glasnik BiH“, broj: 23/01), podnosilac zahtjeva Općina Derventa; **(Izveštaj o jasnoći pravne norme, u skladu sa članom 137.stav (4) Poslovnika Doma);**
 - c) Zahtjev za autentičnim tumačenjem pojedinih odredbi Zakona o carinskoj tarifi BiH, („Službeni glasnik BiH“, brojevi: 57/04 i 51/06), podnosilac zahtjeva Uprava za indirektno oporezivanje BiH; **(Izveštaj o jasnoći pravne norme, u skladu sa članom 137.stav (4) Poslovnika Doma);**
 - d) Zahtjev za autentičnim tumačenjem člana 185. stav (1) Zakona o službi u oružanim snagama BiH, („Službeni glasnik BiH“, broj: 88/05), podnosilac zahtjeva Ministarstvo odbrane Bosne i Hercegovine; **(Izveštaj o jasnoći pravne norme u skladu sa članom 137.stav (4) Poslovnika Doma);**

- e) Zahtjev za autentičnim tumačenjem Zakona o zaštiti prava pripadnika nacionalnih manjina, ("Službeni glasnik BiH", broj: 12/03), podnosilac zahtjeva Općina Doboje. **(Izvještaj o jasnoći pravne norme, u skladu sa članom 137. stav (4) Poslovnika Doma);**
- f) Zahtjev za autentičnim tumačenjem člana 2.3 stav (1) tačka 4) Izbornog zakona BiH, ("Službeni glasnik BiH", broj: 23/01), podnosilac zahtjeva Dragan Davidović iz Gacka; **(Izvještaj o jasnoći pravne norme, u skladu sa članom 137. stav (4) Poslovnika Doma);**

Ad. 1. Verifikovanje zapisnika sa 22. sjednice, održane dana, 04.10.2007. godine;
Komisija je jednoglasno verifikovala Zapisnik sa 22. sjednice održane dana 04.10.2007. godine.

Ad. 2. Prijedlog izmjena i dopuna Poslovnika Predstavničkog doma Parlamentarne skupštine Bosne i Hercegovine, predlaže poslanik Milorad Živković, **(Usaglašenost sa Ustavom BiH, pravnim sistemom i principima, u skladu sa članovima 103. i 104. Poslovnika Doma);**

Predsjedavajući je otvorio raspravu te se, kako nije bilo diskusije, pristupilo glasanju o usaglašenosti sa Ustavom BiH i pravnim sistemom.

Komisija je jednoglasno utvrdila:

- Prijedlog ima valjan ustavnopravni osnov ;
- Prijedlog je usklađen s Ustavom i pravnim sistemom;
- Prijedlog se može uputiti u dalju redovnu proceduru.

Predsjedavajući je otvorio raspravu o principima Prijedloga izmjena i dopuna Poslovnika Predstavničkog doma u kojoj su učestvovali članovi: Martin Raguž, Adem Huskić, Momčilo Novaković i Šefik Džaferović. Nakon rasprave Komisija je zaključila da je pitanje izmjena i dopuna Poslovnika Predstavničkog doma pitanje o kojem treba da odlučuju svi poslanici, te je jednoglasno usvojen zaključak da se u koordinaciji sa Domom naroda formiraju ad hoc komisije za izmjene i dopune Poslovnika u oba doma Parlamentarne skupštine.

Nakon rasprave Komisija, sa 3 glasa „za“, 3 glasa „protiv“ i bez „uzdržanih“ glasova, nije podržala principe Prijedloga izmjena i dopuna Poslovnika Predstavničkog doma.

Ad. 3. Prijedlog kodeksa ponašanja za poslanike i delegate u Parlamentarnoj skupštini Bosne i Hercegovine, predlaže Zajednička komisija za ljudska prava, prava djeteta, mlade, imigraciju, izbjeglice, azil i etiku, PS BiH, **(Usaglašenost sa Ustavom BiH i pravnim sistemom, u skladu sa članom 103. Poslovnika Doma);**

Predsjedavajući je otvorio raspravu u kojoj je gđa. Alma Čolo, u ime predlagača Zajedničke komisije za ljudska prava, prava djeteta, mlade, imigraciju, izbjeglice, azil i etiku, P.S. BiH, obrazložila Ustavni osnov za donošenje, kao i ciljeve i svrhu podnošenja Prijedloga kodeksa ponašanja za poslanike i delegate u Parlamentarnoj skupštini Bosne i Hercegovine.

Nakon rasprave Komisija je, jednoglasno utvrdila:

- Prijedlog kodeksa ima valjan ustavnopravni osnov;
- Prijedlog kodeksa je usklađen s Ustavom i pravnim sistemom;
- Prijedlog kodeksa može se uputiti u dalju redovnu proceduru.

Ad. 4. Ostala pitanja

- a) Zahtjev za autentičnim tumačenjem člana 48. Zakona o radu u institucijama BiH, („Službeni glasnik BiH“, brojevi: 26/04, 7/05 i 48/05), podnosilac zahtjeva Vanjskotrgovinska komora BiH; **(Ustavnopravna komisija je nadležna komisija u skladu sa članom 137. stav (5) Poslovnika Doma);**

Predsjedavajući je otvorio raspravu u kojoj su učestvovali članovi: Velimir Jukić, Adem Huskić, Momčilo Novaković i Šefik Džaferović, te ispred Ministarstva pravde BiH – Fazila Musić i Ministarstva civilnih poslova BiH – Damir Dizdarević. Nakon rasprave jednoglasno je prihvaćen sljedeći zaključak:

Potrebno je obavijestiti Kolegij Predstavničkog doma da pravna norma nije jasna i izaziva različitu primjenu u praksi; da postoji potreba za autentičnim tumačenjem; da mišljenje Vijeća ministara BiH nije dostatno te da Komisija smatra da se ovo pitanje najbolje može riješiti izmjenama i dopunama Zakona o radu u institucijama BiH.

Predsjedavajući je predložio a Komisija jednoglasno prihvatila prijedlog da se tačke dnevnog reda, koje se odnose na Zahtjeve za autentičnim tumačenjima i to: **b); c); d); i e)**, skinu sa dnevnog reda s obzirom da za njih nisu dostavljena mišljenja Vijeća ministara.

- f) Zahtjev za autentičnim tumačenjem člana 2.3 stav (1) tačka 4) Izbornog zakona BiH, ("Službeni glasnik BiH", broj: 23/01), podnosilac zahtjeva Dragan Davidović iz Gacka; **(Izvještaj o jasnoći pravne norme, u skladu sa članom 137.stav (4) Poslovnika Doma);**
Nakon rasprave jednoglasno je utvrđeno da Zahtjev nije podnesen od strane ovlaštenog subjekta, kako propisuje odredba člana 137. stav (2) Poslovnika Predstavničkog doma Parlamentarne skupštine.

Kako nije bilo drugih pitanja, predsjedavajući je zaključio sjednicu u 11:00 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović